

**Tentamen medicum inaugurale, de hepatide ... / eruditorum examini
subjicit Lachlanus Maclean.**

Contributors

Maclean, Lachlan.
Royal College of Surgeons of England

Publication/Creation

Edinburgi : Excudebat Adamus Neill cum sociis, 1790.

Persistent URL

<https://wellcomecollection.org/works/aqy2eetf>

Provider

Royal College of Surgeons

License and attribution


This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>





TENTAMEN MEDICUM
INAUGURALE,

DE

HEPATITIDE.

QUOD

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.T.P.

ACADEMIAE EDINBURGENAE PRAEFECTI;

N E C N O N

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT
LACHLANUS MACLEAN,
SCOTUS,

NAVIS INDIAE ORIENTALIS CHIRURGUS,

N E C N O N

SOCIET. REG. PHYS. ED. SOC. HONORARIUS.

Aliter vetustis morbis, aliter acutis medendum. CELS.

Ad diem 13. Septembris, hora locoque solitis.

EDINBURGI:
EXCUDEBAT ADAMUS NEILL CUM SOCIIS.

—
M DCC XC.

СИДИЧИМ ЧЕМЯ ТИНА

БЛАГОДАРЬ

СВОИХ ПРИЧУП

ЗАДАТЫХ БЫХИ

СВОИ

ПРИЧУПЫ СВОИ

СВОИ ПРИЧУПЫ СВОИ

ПРИЧУПЫ СВОИ СВОИ

ПРИЧУПЫ СВОИ СВОИ

ПРИЧУПЫ

ПРИЧУПЫ СВОИ СВОИ

VIRO PRÆSTANTISSIMO
ALEXANDRO CALLANDER,
ARMIGERO,
E SENATORIBUS BRITANNICIS
UNI;
QUI,
PLURES ANNOS,
IN INDIA ORIENTALI,
MUNERIBUS SUMMIS,
ILLÆSA FAMA
PERFUNCTUS EST;
OB
PLURIMA
AMICITIÆ
DOCUMENTA,
TESTIMONIUM;
NEG NON

СИБИРСКАЯ АКАДЕМИЯ
УЧЕНИХ

СЕМЕНА ВАСИЛЬЕВА
СИБИРСКОГО АКАДЕМИЧЕСКОГО КОЛЛЕГИУМА

СИБИРСКАЯ АКАДЕМИЯ

ПОЛИКЛАСТИЧЕСКИЙ ПРОФЕССОРСКИЙ

КЛУБ

СИБИРСКАЯ АКАДЕМИЯ

NEC NON
AMICO SUO CARISSIMO
COLUMBO MACQUEEN, M. D.
NORWICI,
MEDICINAM,
TANTA CUM SUI LAUDE,
AC DIGNITATE,
ALIORUMQUE COMMODO,
FACIENTI;
SUMMÆ OBSERVANTIAE
MONUMENTUM;
HOCCE OPUSCULUM,
D. D. CUE
AUCTOR.

ЯОТВУД

ДО СЛОВА

СЛОВО ВЪ ПРОГНОЗЪ

ПРОГНОЗЪ ВЪ СЛОВѢ

СЛОВѢ ВЪ ПРОГНОЗЪ

ПРОГНОЗЪ ВЪ СЛОВѢ

СЛОВѢ ВЪ ПРОГНОЗЪ

ПРОГНОЗЪ ВЪ СЛОВѢ

СЛОВѢ ВЪ ПРОГНОЗЪ

ПРОГНОЗЪ ВЪ СЛОВѢ

E R R A T A.

Page 12. line 20. *Pro qua lege quae.*

- 19. 14. *Pro sanis lege sanus.*
- 29. 10. *Pro umbrifero lege imbrifero.*
- 43. 16. *Pro est lege et.*
- 9. 13. *Pro febris lege Morbi*
- 16. 10. *Pro mediastinum lege dia phra*

A T A Y L E

Approved and sold at 51. 95.
Tanned leather wth. 41 .01
Unlined paper coverd. or .05
In cloth or .05

Dr. Wayt
w^t the prompt
of the
author

J - 3

TENTAMEN MEDICUM
INAUGURALE,
DE
HEPATITIDE.

PROOEMIUM.

ALiquot annos in plagis ubi pulchra morbos tropicos observandi occasio mihi data est, commoratus; paucula de hepatitide ex proprio penu, et experientia, potius quam ex aliorum scriniis compilatis, deprompta, in vulgus edere, satius duxi. Primo quidem, non solum *vetusiae*, sed etiam *acutae*, hepatitidis

A

historiam

historiam fusius tractare animo mecum decreveram; hujus vero historiam plenam et accuratam ultra disputationum inauguralium limites longius excurrere, comperto; phænomena ejusdem notatu digniora, quae ab his, quae sub coelo mitiori ac frigidiori observantur occurunt, aliquatenus mihi distare videbantur, leviter perstringere satis habui.

DEFINITIO.

Dyspepsia, facies lurida, subflava, tumiduscula; gravitatis, ac plenitudinis sensus, cum epigastrii et hypochondriorum, praefertim dextri, doloribusque, plus minus molestis, alternans, compressiuncula vel decubitu in latu sinistrum, auctis; dolor ad claviculam, et summum humeri dextri, aliquando vero sinistri; saepe dyspnoea, tussis sicca, dejectiones solidæ; febricula, praefertim vesperi ingrumente.

HISTORIA MORBI.

Hepatitis vetusta est vel *primaria*, vel ab alio morbo pendens, *symptomatica*: nullusque forsan ex omnibus, quibus gens humana opportuna est, morbis, majori signorum varietate, saltem initio, stipatur; adeo ut non solum medicum, sed etiam aegrum ipsum inauspicatum faepius subdole fallat; quippe qui omnia sua stadia, nemine suspicante, donec tandem strages horrenda quam ediderat, *anatomici* cultro detegatur, larvatus percurrat.

Saepe initio, dyspepsiae signis, flatu, plenitudinis, inflationisque ventriculi sensu, praecipue post pastum; ructuque vario, praesertim acido, carpitur aeger: cibi appetentia varia; nunc fastidium, nunc insolitum comedendi desiderium urget, cui si forsitan indulgeatur, omnia signa ingravescunt: et tanta est ventriculi debilitas, ut cibus vix aegre concoquendus, crudusque, diutius ibi subsistat.

†

Simulque

Simulque vultus insigniter mutatus, facies subfuscata, pallidaque turgescit, oculique nitore suo spoliati, hebetes obscurantur, tunica conjunctiva colore lurido, et aliquando subflavotincta.

Nec non eodem tempore in regione epigastrica molestiae sensus ad hypochondria dextra usque lancinans emicat; hunc aeger hallucinatus, ventriculi affectionem plerumque falso existimat: hicce dolor pressu ingravescit, ad claviculam, et summum humeri dextri tendere, et cum confimili dolore hic loci alternis vicibus torquere, percipitur.

Aeger pariter languore, laffitudine, omnisque conatus fastidio, et aliquando ineluctabili dormiendi desiderio afficitur: somnus vero brevis aegri vires quaffas raro reficit, saepiusque diris insomniis misere abrumpitur.

Animus tristis gravi moestitia, frequentique suspirio fractus, omnium consortium de lactamentaque fugit, et solitudine, forti suae miserae illachrymandi causa, uti amat.

Ineunte hepatitide primaria, alvus plerumque dura, morbo vero proiecto, pariterque per totum hepatitidis symptomaticae decursum, fibi non constat, nunc astricta, alias soluta; plerumque vero dejectionibus frequentibus, foetidis, exiguis, mucosis, et abdomine nonnunquam tumido, ac tenso stipatur.

Est ubi nullam fere subit mutationem pulsus, neque validior, neque frequentior, imo aliquando praeter naturam tardus; interdum vero, progrediente morbo, frequens ac debilis, vesperi praesertim micat. Lingua albida, sicca, villisque obducta; cutis arida, dura, atque constructa, urina parca, colorata; respiratio plerumque ab initio laesa; morbi vero progressu, et finem versus, plus, minus, laborat; saepe comite tussi sicca, rauca, atque sonora, lateris dolorem adaugentes. Gingiva exploranti solito durior interdum ab initio videbitur.

Est ubi humeri affectio prima in medium prodit, aegro lateris dolorem nondum con-

questo:

questo: interdum vero penitus deest; saepe tamen licet aegri sensum latuerat, humerum premendo fuscitaveris.

Morbo hucusque proiecto, ponderis ac plenitudinis sensum, primo in epigastro, hypochondriisque, perceptum, dolores hebetes, obtusi, morsusque acerrimi, quaquaversum vellacantes, nec mora, magis diffusi, harumque partium majore minoreve, duritie, ac tumore stipati, levique compressiuncula ingravescentes, alterne excipiunt.

Decubitus in utrumvis latus, praefertim in sinistrum molestus; aegrotus supinus, humeris leniter acclivibus, dextrorsumque paululum vergens, dolore minus afficitur.

Spiritu multum turbato, dolores instar pneumaticorum, quacum interdum, rarius licet quam hepatitide acuta, conjungitur, citro retroque pectore feruntur: singultus ac vomitus rarius in vetusta, saepius vero in hepatitide acuta graffantur. His signis interdum forte conjungitur icterus; non vero necessario,

ro, comesque indivulsus, ut quibusdam placuit.

Haec signa varie durant: nunc diutius, alias vero ocyus, velociter ingravescientia, febricula praesertim vesperi, sudoribus nocturnis, macie, viribus fractis, ventrisque proluvie putrida, ac fastidium movente, stipata, stadia sua percurrunt; aegerque febre *hectica*, ex uno, pluribusve abscessibus, intra hepar aliove, qua data porta ruentibus, oriunda, e medio tollitur.

Hoc modo plerumque adoriens, progrediensque, finitur hepatitis: facile vero collegoris, impetum, signaque futura, non solum principii diversitate, agendi modo atque vi, corporis statu, adeo fieri posse diversa, ut vix unquam in binis, nedum in pluribus aegris, eadem sit.

Ex supra dictis signis quaedam penitus defunt; quaedam vero magis obscura, quae proxime delineanda sunt.

Frequentes alvi dejectiones, exiguae, mucosae, et acres, ventrisque tormina abnormia, atque tenesmus inter prima nonnunquam notantur; vultus vero, his nondum subortis, diligentius observanti, a sanitate deflexisse, morbidus, mutatusque, videbitur. Interdum vero aegrotus, nullum dolorem conquestus, cibi fastidio, macie, viribus tum animi tum corporis, fractis, vegeto simul oris colore amiso, tandemque diarrhoea putrida, febreque *hecticā*, quae omnia nullatenus a jecore laborante pendere suspicanti exitium afferre valeant, corripitur.

Hoc malo laborantium, dorsa, humerique, quod notatu dignum, faepe antrorsum convexa sunt; vitiumque morbo progrediente in pejus ruit; pectusque simul a forma sua deflexum, insigniter, praeter naturam, deformatur.

Est ubi morbus Pyrexia abnormi, incertis intervallis accidente, calore intenso, fiti, pulsu debili, parvo, interdumque enormi, adoritur:

et

et licet caloris, molestiaeque sensus, circa epigastrum, hypochondriaque dextra simul torqueant; cum tamen in aliis pyrexii similia signa adsunt; magnum curriculi sui spatium nondum in suspicionem adductus, infidiose decurrit.

Datur febrium intermittentium varietas, Indiae montium indigena; indeque, febris montosa, nuncupata, quae ex jecinoris praesertim lobi sinistri, vitio pendet, cuique viribus hydrargyri solis medetur.

A chirурgo clarissimo spectatae fidei apud Bombay, tria hujuscē febris, quae sibi observasse contigerat, exempla, ingenium asthmatis induisse, remediisque huic malo idoneis aliquandiu frustra tentata, tandem hepatitidis signis suborientibus, hydrargo feliciter profligata fuisse; morbumque, qui uni ex aegris eadem forma rursus acciderat, eidem remedio, sicuti antea, denuo cessisse, certior factus sum.

Hepatitis, moribus nonnunquam mutatis, lento vixque percipiendo pede, vel, causa ali-

qua incitante fortius agente, ex vetusta in acutam subito mutatur: utrum vero haec acuta, an potius vetusta gradu solummodo diversa, antiquo nomine servato, vocanda est, anceps haereo.

Vetustam quidem saepe ex acuta oriri contendimus; licet scriptor, qui non ita pri-
dem tractatum publici juris fecit, vetustam fere semper, morbum primarium esse, ponat:
hoc equidem aliquando evenire, supra jam concessum est: semper vero fieri, non solum propriae, sed etiam clarissimorum medicorum, quos saepius, data occasione, consului, experientiae, repugnat. Idem auctor in sua morbi historia, stadium acutum describit; hoc tamen in ratione medendi oblivisci, saltem remedia praestantiora, medicorum praeclariorum usu comprobata, penitus praetermittere videtur.
Quam statuit, medendi rationi, vetustae, ut-
pote huic satis idoneae, limitibus circumscri-
ptae, facile; acutam vero ex aequo complecten-
ti, generali morbi divisioni, qua puris ge-

nerationem ex acuta sola pendere ponit, mini-
me assentiri queo: nam ex alibi confessis, au-
ctor jecur omnia morbi latitantis stadia, nemi-
ne suspicante, tacite percurrisse, incidendo re-
pertum est.

Hujus mali exempla, commentariaque in
vulgus a clar. Doctore CLARK, apud Antiguam
edita, magis experientiae nostrae, cognitioni-
que, quam aliunde consequi valueram, quam
ulla alia, quae super hoc gravi argumento ad-
discendi occasio se mihi obtulit congruere, hic
loci observari vellem; lobumque finistrum
tentari, abscessusque hepatis inter se distinctos,
saepius in India Orientali, quam Occidentali,
reperiundos; cum hujus unicum tantum ex-
emplum Doctori vidisse contigit.

Infaustis hujuscce mali victimis saepe evenit,
ut medicum, non nisi abscessu, apice acumi-
nato, foras erumpente, accersant: interrogan-
tibus vero respondent, se ante hoc morbo de-
tentos, doloribus hypochondriorum, febre
comitante, plus minus laborasse; domi vero

manendo

manendo, laxantium refrigerantium usu his signis levatos fuisse. Hoc infimae sortis indigenis, qui caufis remotis perpetuo objiciuntur, obtingit, quique ob dietam tenuem ex vegetabilibus praecipue confectam, morbo lento, vixque sentiendo misere carpuntur; solitis negotiis impliciti, totas septimanas, imo menses obambulant, neque medici manum, nisi dolore coacti implorant: inde fit, quod morbus, caufis incitantibus de novo agentibus, lente, ac pedetentim suppuratione tacite recidivus finiatur.

Hepatitis aliorum morborum saepenumero comes, aut signum; huic vero febres intermitentes, ac remittentes, dysenteriaeque minus bene curatae, praesertim fundamenta ponunt; et sene vix Indiae datur morbus, qui ad illam plus minus procliviores non reddat: hique morbi diversi, remediaque, quibus medetur, in quo omnis culpa transfertur, vitia hepatis latitantia in lucem saepe proferunt.

Hos

Hos morbos, usitatis remediis non cedentes,
e jecinore oppilato saepius pendere comper-
tum est : huic rei innixi hydrargyro, auxilio
potentiore, et forsitan solo plerumque fere
utuntur medici.

Morbo progressus est admodum diversus ;
nunc curriculum suum, intra paucos dies,
velox percurrit : alias vero hepar septimanas,
imo menses, vel etiam annos, nulla causa vali-
diore incitante, lente morbidum marcescit.

Jamque hepatitidis vetustae historia, qua po-
tuimus, cura, ac diligentia, tradita, quaedam
de insignioribus acutae phaenomenis, animad-
vertenda sunt. Haec aeque ac illa regionibus
calidis gaudet ; licetque, ineunte morbo, signa
satis clare plerumque notentur ; aliquando
tamen, ut vetustae etiam evenit, adeo obscura,
et subdola sunt, ut quam maxime in arte
versatos subterfugiant.

Aegrum nunc pyrexia violentiore, bilis vo-
mitione, atque singultu, vi derpente, aggredi-
tur ; alias vero signorum enormium catervam

lateris

lateris affectio excipit. Haepatitiden graviorum, praeeuntibus aliquot dies generalibus rheumatismi, praesertim articulorum majorum, doloribus, qui tandem humerum dextrum correptum, triduum jecinoris affectione nondum sensâ, immane torquebant, mihi observasse obtigit. Hujusce aegri húmerus sinister, sternumque medium dolore graviore laborabant; lobusque sinister princeps inflammationis sedes videbatur.

Dolor hicce singularis humerum, claviculamque subtus angens, interdum primarium, et saepe morbi decursu signum importunius est, toto brachio ad digitos extremos usque, quos torpore, doloreque immobiles reddit, pertinens: idem, at mitior angoris sensus lateris affecti femore ac crure aliquando sentitur. Thoracis tegumenta dextri, praesertim supra infraque claviculam, ineunte morbo, leviori compressiuncula, dolore longe alio ab illo qui, morbo proiecto, cum suppuratio haud dubie adest, affecta, semel observavi.

Hepatitis

Hepatitis acuta non solum gravioribus signis, quam vetusta, illave, quae coelo frigido, mitioreve subnascitur, grassatur, sed etiam multo majore velocitate curriculum suum absolvit. Dyspnoea insigni, tussi importuna, doloribusque pectus circumcirca peragrandibus, acuto simul humerum, claviculamque subtus, angore torquente, convexam hepatis superficiem potissimum affici, inflammationemque non solum ad mediastinum, pleuramque costarum, sed etiam in pulmones prorepisse rite collegeris. Tametsi in quibusdam morbi gravioris exemplis, haec signa, hisce partibus salvis, occurrant, illas vero plerumque plus minus semper laborare, facile adducor ut credam: cumque quo major est ea pars hepatis affecta, eo periculum sit quoque majus, ad hoc animum studiosius in usu advertere necesse est.

Diaphragma interdum tam vehementer afficitur, ut aegrum incurvum, et quasi arcuatum, genibus cubito innixum, quo fo-

lummodo dolore levabatur, conspexerim :
hic plerumque torquet singultus.

Alvus interdum adeo astringitur, totusque tubus intestinalis tanto torpore corripitur, ut, bile, licet copiosius, ut hinc patet, quod aeger, vomitione biliosa saepius torqueatur, fluente, cathartica fortiora necessaria fint.

Hepatitis acuta maxima ex parte, sed non semper, credo, superficiem hepatis, vetusta vero semper *parenchyma*, sive ipsam jecoris substantiam, sedes sibi vindicant : in hoc abscessus plures, vel secum invicem communicantes, vel instar favi, inter se distinctos reperiire est : jecinorisque superficie integra licet et salva, abscessus hosce tamen saepenumero in parenchymate inventos, sectione cadaverum monstratur.

DE USITATORIBUS MORBI TERMINIS.

Hepatitis, resolutione, et suppuratione, raro vero gangraena, finitur : utrum calidarum hepatitis

hepatitis plagarum schirro vero unquam exceptiatur, vehementer dubito.

Quando resolutione, omnium terminatum benigniore, clauditur; hoc plerumque bilem sursum, deorsumque praesertim copiose evacuando evenit; omniumque praecipue in vetusta salutis recuperandae signorum certissimum est; partis enim laborantis vasorum, quorum debilitatem, causam mali proximam postea stabilire conabimur, vim aliquatenus instaurari probat: canalis enim alimentarius solito stimulo diutius orbatus, eadem bilis quantitate, qua, salva sanitate, ad motus placidos et naturales, jam ad abnormes peragendos, supra modum stimulatur.

Sudores universales profusi, urinae secretio, sedimentum copiose deponentis, adaucta, aegritus tussi antea laborantis excreatio libera ac copiosa; sanguinis e naribus, anoye fluxus, dejectiones mucosae, et superficie iecur exudatio, partibus vicinis agglutinans, hunc morbi finem alia tempore comitata sunt. Exu-

dationem vero acutae propriam, hujuscē resolutionem plus minus semper stipare, facile adducor ut credam : plerosque enim, qui ex hoc modo finito morbo convaluere, decubitus in latus sinistrum difficultis, molestiaeque sensus, quovis nisu subito fuscitatus, quae, nec injuria in hanc agglutinationem conferuntur, toto vitae curriculo fatigant.

Quando vero suppuratione, quae semper periculosisima habenda, terminatur, vel uno, pluribusve abscessibus, viam foras, in thoracem, pulmonesque, in ventriculum, vel in intestina, per bilis ductus, vel conglutinatione et erosione juvantibus, vel denique in cavum abdominis sibi patefacit ; ex omnibus hisce, si extremum excipias, non defuere, qui convaluerunt.

Hic vero animadvertisendum, suppurationem adeo lentis vixque aegre percipiendis gradibus surrepere, ut morbus etiam in artis nostrae usu quam maxime versatis fidem faciat, se resolutione fuisse depulsum : dolore enim insig-

niter

niter remittente, vel penitus una cum caeteris signis, ut saepe evenit, cessante, aeger sanitatis desiderio flagrans, medicusque se morbum debellasse facile credens, in hunc errorem nullo fere negotio inducuntur: hinc fit, ut non solum remedia praestantiora praetermittantur, sed etiam, citius aut serius, tumore foras erumpente, febrique lenta, ex abscessu interno, pureve viam sibi in partem internam sternente, suborta, misere spe sua frustrati decidant. Ad ea quae consequuntur animum attendendo ab hoc erroris fonte plerumque cavebitur. Si doloris remissio, aut cessatio aliqua evacuatione critica, non stipetur, si sanis oris color non restituatur, si functiones generales debiliores sint, si denique decubitus in latus sinistrum fit difficilis, et quo longius in hoc cubatur, eo, pro rata parte, decubitus fit gravior, molestia in ponderis sensum, tandemque in dolorem gravissimum definente, febricula simul, horrore levi, ac abnormi stipata, praesertim vesperi ingruente, scrupulose ac timide

de

de eventu praesagiendum est; plerumque enim suppurationem instare, aut jam nunc existere coiperiemus: si reliquorum signorum nulla, quae duces sequamur, adfint, ac etiamnum ancipites hereamus, aegrum in latus sinistrum collocatum, diutiusque sic recubantem interrogando, de sensu quo afficitur, utrum inflammationi supervenerit suppurationis dijudicare potuerimus. Ad hanc rem animalium altius advertendum volo, quippe qui medicos longa licet annorum serie edoctos, in hunc errorem incidisse probe noverim. Quique egomet ipse in uno exemplo tametsi qua potui diligentia ab hoc erroris fonte cavebam, morbum resolutione finitum per aliquot dies, credulus, opinatus, cito me toto coelo errasse compererim: abscessus enim aliquanto post, via fibi in pulmones patefacta, aegro exitium attulit.

maibidup retinat olyr audol ; anifitc coit
sidiil itel euipoibis ; beicibis exal eicok

DE CADAVERUM SECTIONE.

Strages horrenda atque phaenomena, quae cadaverum sectione manifesta fiunt, varia et multiplicia sunt; horum autem pauca tantum brevitatis causa annotabimus.

Quatuor exemplis, quae mihi perscrutandi occasio se obtulit, quibusque in pulmones abscessus viam sibi stravit, usque aliquandiu ante mortem excreatum fuit, quae sequuntur, notata sunt. Omnibus pulmonum substantia plus minus exesa; tubique bronchiales pure sanguinolento excreato haud absimili, infarcti fuere; pulmo dexter pleurae spatio fatis ampio, praecipue circa foramen diaphragmate erofum, quod tribus digitis intromittendis parerat, agglutinatus est: hoc circa foramen plurima dura, mole diversa, quae cultro secta, schirrum specie, duritieque referebant, reperta sunt. Horum uno pneumonia ab initio comitante, partes conglutinatae latius patentes,

tentes, arctius ; lobus vero sinistern quibusdam locis laxe adhaerere ; pericardioque seri libra flavi reperta : huic miserando pariter lobum sinistrum abscessus tentabat, unde pus quatuordecim diebus ante obitum exivit, quiue velociter ad sanitatem, donec alter dextri lobi in pulmones irruperat, spectabat ; omnibus vesicula fellis viscida bile distenta, superficies per aliquod spatum diaphragmati, in uno pariter reni dextro praeter naturam adhaerescere : diaphragmatis tendo omnibus foramine exefus. Jecoris superficies nunc maculis lividis distincta est, nunc vero salva intacta manet : nec datur viscus vicinum, cui aliquando agglutinatum non reperiatur. Vesicam fellis, bilisque ductus nonnunquam inflammatione tentari liquido constat : ductumque communem choledochum inflammatione tantum non deletum, mihi vidisse obtigit.

Pleraque viscerum abdominalium morbi vestigia subinde ostendunt : mesenterii glandulae tumore, ac duritie, praecipue *vetusta*,
dysenteria

dysenteria satellite, diutius laborantibus afficiuntur. Splenem quoque morbo tentari, et diaphragma maculis lividis aliquando distinguui compertum est.

D I A G N O S I S.

Morbi quibus hepatitis acuta confundatur pneumonia, gastritis, affectus coli spastici, musculorumque jecori vicinorum dolores rheumatici numeranda sunt: primae nonnunquam conjungitur; cum vero pulmones, ipsorum, costarumque pleura, non tentantur; sequentibus rite perpenfis distingui poterit: a pneumonia, humeri claviculaeque subitus dolore, qui plerumque semper hepatitidem acutam comitatur, absente secerni potest.

In pneumonia dolores celsiores, latiusque patentes lancinant; dyspnoea et tussis importuniores; excreatio copiosior et interdum sanguinolenta, decubitusque in latus affectum difficilis: contrarium vero in hepatide evenit; huc pariter accedit quod, in India Orientali,

pneumonia

pneumonia primaria rarius occurrat; neque magni refert hic paululum errasse; eum utriusque morbo ineunte eadem fere remedia idonea sint.

Debilitas insignis, anxietas, in epigastrio dolor et ardor, ingestis quibuslibet auctus, iisdemque protinus rejectis, humerique dolor absens, gastritiden a morbo nostro facile secernunt. Lobi sinistri inflammatio coli affectus speciem adeo graphicè interdum prae se fert, ut, absente humeri dolore, a coli affectione vix aegre distinguenda sit: eo major est hic difficultas, quod dolor interdum adeo obscurus ut vix percipiendus sit, quod plerumque pariter, alvus pertinaciter astricta sit, quodque denique aegrotus in utrumvis latus pari negotio cubare queat: quapropter ad omnium signorum catervam animum advertendo, hepatiden ab hac coli affectione, partiumque vicinarum rheumatismo, caeterisque corporis affectibus rite solummodo secreveris. In vetusta majores etiamnum difficultates superandae;

dae; futurum tamen spero, ut historiae morbi supra traditae attentius, studendo, ab omni errore nobis ex illo fonte irrepturo, plerumque caveatur.

CAUSAE REMOTAE

Sunt, *1mo*, Calor, praesertim cum hic ac frigus alternis vicibus agant. *2do*, Corporis exercitatio violenta. *3to*, Intemperantia, praesertim spiritus vini usus immodicus. *4to*, Animi affectus. *5to*, Febres intermittentes, ac remittentes. *6to*, Dysenteria, &c.

Horum omnium calor, stimulorum fortissimus, princeps morbi causa, nobis, utpote quibus persuasum est, caeteras mali causas, aut simili modo, calorisve operi favendo, agere, hic loci potissimum perpendendus est.

Fuse et operosius tractare de operandi modo, quo calor hunc morbum in diversis Indiae Orientalis plagis fuscitet; rationesque reddere, quare in quibusdam saepius, quam in aliis, grassetur, quare denique in aliis, ut in quibus-

dam Indiae Occidentalis plagis licet omnino similibus, eisdemque causis remotis operantibus; raro aut nunquam subnascatur; haec omnia inquam sigillatim, et liquido enucleare non solum nos difficultatibus non solvendis praepeditos implicaret, sed etiam hanc dissertationis nostrae partem, ultra solitos, quibus tentamina inauguralia, fines, circumscribuntur, longe necessario proferret: quapropter has solum causas, quae maxime, me judice, ad hoc malum suscitandum faciunt, hic loci perstrin gam.

Quaedam vero observationes, quibus, tanquam principiis inconcussis, innixi, caute ratiocinabimur, huic investigationi praemittendae videntur.

Animantia, stimulo quovis quadantenus amoto, et postea de novo addito, majore cum facilitate nunc eodem affici, ac consequens est, in actionem validiorem incitari, lex universalis videtur.

Ut

Ut modo, quo calor, frigusque, fibram muscularē alterni afficiant, aliquod luminis offendatur, Professorem nostrum illustrissimum BLACK, calorem esse veram substantiam, non qualitatem, plurimis periculis nitidis commentariisque comprobasse observandum est; hinc calor alternis vicibus auctus et imminutus corpus eodem modo, quo caetera stimulantia (ut supra dictum est) afficiat oportet. Sic si partem aliquam (manum v.g.) in certo quodam caloris gradu collocatum, ad gradum inferiorem transferas; actionis imminutio statim sequetur; si jam in priorem caloris gradum eandem reducas, actio adaucta, priore tamen major, ob manum jam vi frigoris sedante magis irritabilem factam, subsequetur; si eandem gradui adhuc minori immersam in priorem revoces, actio vasorum pro rata parte major, subnascat oportet: adeo ut calorem hoc modo augendo imminuendoque, vasorum actionem eo roboris, violentiae, ac impetus, ut inflammatio, gangraena, aut sphacelus insequantur,

facile

facile fuscitaveris. Hujus rei exempla in frigore adustis videre est ; calore enim subito, inflammatione, gangraena, aut sphacelo, pro caloris gradu, corripiuntur, caute vero et pedentim, admoto, horum nullo laborant : sic ut mihi videtur, rite explicari potest, quâ calor et frigus alterni morbum, de quo agitur, plerumque excitant.

Licet in quibusdam Indiae Orientalis partibus calor intensior ardeat ; si tamen fibi constet, adeo ut non multum supra infrave eundem Fahrenheitii gradum mutabilis fluctuet, Europaei, modo se, munera sua obeundi causa, radiis solaribus objicere non cogantur, secunda valetudine fruuntur. Alibi vero, eodemque loci, vento Indiae stato se vertente ; ubi magna caloris, frigorisque alterna varietas ; visque aestus diurni frigore nocturno excipitur ; vel ubi a terra aura nocturna, ex mari diurna ordine nexae, continuata serie inane alternè perflant, morbi varii, multiplices, natura tamen penitus diversa late dominantur ;

prout calor, coelo aqua plus minus onerato, aliisve ad alios morbos proclivioribus, grasseatur: calore sicco, phlegmafiae, hepatitis praefertim, humido vero rerum potiente, morbi indole penitus diversa resurgentes saeviunt. Hinc fit quod hepatitis saepius in regione Coromandelae maritima, ubique solum ex arena, fabuloque sicco praecipue conflatur, quam in Calcutta, aliisque Bengalae paludibus, vel in coeli statu procelloso, atque umbrifero, recrudescat.

Quaenam ex regionis terrestris hujuscem ventis incommoda oriantur, neminem fere latet, plagas arenae immensas, torridas, radiis solaribus ad perpendiculum fere directis, calefactas, non aliter quam si ex furno candenti, erumpentes, percurrunt: tantumque abest, ut perspirationi, illi in regionibus calidis salutari humorum detractioni, quam natura tanta cum sapientia ad proportionis normam distribuere conatur, quo animalia, diversis licet caloris viribus objiciantur, eundem tamen fere sem-

per gradum conservant, vel minime faveant, ut etiam ipsam, haud levi mortalium incommodo, insigniter reprimant, totamque fere corporis superficiem exficcataam arctius contrahant, ac comprimant. Hinc calor insigniter augeatur necesse est: adeo ut interdum multum supra sanitatis gradum assurgat; heparque praesertim, ut ex caloris sensu ibi corporis torquentis, bilisque vomitione statim subsequente, constat, insigniter stimulet.

Si, rebus eo loci se habentibus, aut statim antecedat, aut subsequatur, frigus, ut plerumque aurae ex mari reduci, aut aëri nocturno se incaute objicientibus, frigidave large bibentibus, obtingit, multo graviores edet effectus: atque si hepatitis statim, ut saepe usu venit, oriatur, acuta graffabitur. Si vero haec caloris ac frigoris vis morbo statim suscitando impar fit; saepius tamen iterata, ut ex pravo cujuslibet stimuli ultra citrave sanitatis normam ac modulum usu obtingit, totum corpus, hepar vero praesertim, tanto languore ac inertia

inertia afficiet, ut non solum prava et immi-nuta bilis secretio, sed etiam hepatitis vetusta, citius aut serius, pro causarum vi, tempore, et agendi modo subnascantur.

Hic vero nobis forsitan objicias, quaerendo, quare, scilicet, hepar, praे caeteris visceribus, hic loci inflammatione, tam frigidarum, quam nec frigidarum nimis nec calidarum regionum prole, potissimum laborat?

Si modi operandi, quo quaedam substantiae quaedam corporis organa afficiant; nempe quo salivae glandulas, hydrargyrum; renes cantharides; cutem exanthemata; modique, quo febres intermittentes, ac remittentes, paludum miasma; continuas vero contagio humana, excitent, rationem reddereclare potu-issemus; forsitan hac similitudine suffulti, huic nodo solvendo, aliquatenus pares evaderemus.

Enim enimvero effectus, quos in plagiis calidioribus edit, observanti, animoque mecum diligentius volventi, calor jecur, praे caeteris corporis

corporis humani visceribus, singulari, siveque generis modo, stimulare mihi videtur: quod valide confirmatur ex eo quod hic loci, bilis secretio eadem, qua cutis excretio adaugetur, ut caeteris excretionibus evenit ratione non imminuatur.

Nec non probabiliter fieri potest, ut jecur ventriculum inter et superficiem externam fistum, hinc potus, illinc aëris, frigori, objectum, corpore nimis calefacto, multo magis irritabile fiat; vel eodem nimis refrigerato, potu simul inebriante, caloreve externo, agentibus, gravior effectus hac duplici causarum serie, edatur.

Licet vero nobis, morbum ex hisce causis quadantenus oriri, concedatur; alter tamen quare scilicet, in India Orientali, saepius quam in Occidentali, plagisque huic similibus graffetur, nodus solvendus supereft: utcunque vero se res habeat; posito etiam quod coelum in hisce regionibus simillimum sit, hoc aliquibus ex supra laudatis causis tribuendum esse,

esse, illasque majori vi in India Orientali,
quam in Occidentali agere, totumque discri-
mēn ex hoc dispari causarum opere pendere
crediderim.

CAUSA PROXIMA.

Utpote de qua primae notae scriptores in
sententias adversa fronte arietantes ivere,
summis difficultatibus premi fatearis oportet:
aliis aliud visum, hi morbum venae portarum,
illi vero hanc sententiam, non solum non cla-
ram, sed etiam vero absimilem, respuentes,
arteriae hepaticae morbum vitio vertendum
esse clamitant: quapropter meam ipsius sen-
tentiam, hic loci in medium allaturus, non
sine metu, summaque diffidentia in arenam
tremulus descendo.

Ex dictis bilem, non solum ineunte sed
etiam progrediente morbo, plurimum prae-
fertim vero quantitate, peccare liquido patet.
Hac aegritudine tentatos, totos menses, imo
etiam annos, signis e bilis vitio pendentibus,

quae, praesertim hepatitide vetusta ingruente, paulatim evanida, terga dant; progrediente vero, radicesque altius agente, secretione bilis plurimum tandem imminuta, penitus fere evanescent, observare liceat; acuta vero, noxa aliqua gravius excitante, exorta, bilis initio insigniter, morbi progressu brevi imminuenda, augetur.

His positis, si bilem ramulis venae portarum extremis, fecerni, concedatur, nemo diversas quas subit mutationes, ex hisce vasis aequaliter mutatis pendere, inficias ibit.

Clarissimus MONRO Professor noster jure celeberrimus, tunicam venae portae bovillae muscularis scalpello liquido demonstravit; licetque eadem in vena portae humana oculorum aciem fugiat, illam tamen in homine, aliisque animalibus simili artificio conflatam, jure contendit. Ex his, eoque quod hepar longissime a corde, arteriisque distet, adeo ut non horumce impulsu, sed sua sponte, viribusque fibi insitis vena portae moveatur; ex eo pariter,

pariter, quod hic loci sanguis ex ramis amplioribus, in angustiores et capillares; quod ipsius motui obicem, plus minus ponat, necesse est, ut in arteriis sit, diffundatur, ex eo denique quod vena portarum valvulis instructa non sit; ex his inquam omnibus rite perpenfis, Professor noster celeberrimus sanguinem, non tantum vi a tergo, sed viribus venae ipsi propriis in hepar diffundi; ipsamque viribus vivis a natura esse instructam, atque instar arteriarum, non solum irritabilem, sed etiam inflammationi opportunam esse, usitato suo argumentandi acumine rite contendit.

Hoc extra omnem dubitationis aleam nitido periculo posuit; arteria hepatica animali ligata; hepar non solum inflammationi, ut antea obnoxium, sed etiam partibus vicinis, ut aliis inflammationibus evenit, agglutinatum comperit. Nolle tamen hic arteriam hepaticam tanquam hujus mali immunem excipias; contra ipsam in omni inflammationis exemplo acutae, plus minus laborare, colligas
velim;

velim; ex eo enim quod non solum ramuli minutuli in omne hepar simul diffundentur, sed etiam quod oscula ipsarum extrema se invicem ubique hepatis amplexantur, fieri non potest, quin una ipsarum inflamatâ, altera statim exardeat.

Licetque nobis in quibusdam acutae, praesertim jecinoris tunicarum inflammationis exemplis, arteria hepatica, primario affici videatur; attamen propter rationes jam supra allatas, venam portarum, plerumque hujusce morbi sedem primariam esse, non ponere non possumus.

Tametsi noxae utrumvis morbum incitantes eaedem fint; attamen pro rerum diversitate; pro ipsarum vi; prout subito, vel pedentim in corpus egere; vel prout systematis vires regionibus calidioribus diutius commorando, morbisve praeeuntibus fractae fuere; effectus vel causa proxima, pro omnium harum rerum varietate, nunc acutam, alias vetustam hepatitiden excitantium, diversa erunt; quapropter

quapropter hepatitiden acutam, totius systematis, hepatisque praesertim, *vim adauctam*; vetustam vero, eorundem *vim imminutam*, definiri vellem.

DE PROCLIVITATE AD MORBUM.

Licet hepatitis acuta quamlibet aetatem impetere queat; aetate tamen florentes, temperamentum sanguineum, ex regionibus frigidioribus nuper appulso, quibusque fibra muscularis tensa, viresque morbis praeeuntibus fractae non fuerint, potissimum, vix unquam infantes, raro impuberes aggreditur. Temperamento vero melancholico praediti, quibus tum corporis, tum animi, vis, morbis quibusvis, luxuve, praesertim potu inebriante immodo, diutinove regionis calore, frangitur, quibusque fibra laxa, in hepatitiden vetustam procliviores sunt. Si quid mihi propriae experientiae innitenti judicare fas fit; faeminas fere toties, quoties mares hoc morbo tentari, illisque faepius quam his, exitium afferri, fa-

cile adducor ut credam. Menses hoc malo laborantibus abesse feruntur.

Neque praetereundum alia animalia, nulla causa evidente, si calorem excipias, incitante, in hunc morbum esse proclivia: numerus enim canum venaticorum ex Anglia, huc adventorum insignis hoc malo e medio tolluntur: nihil magis quotidianum, quam canem domini de-liciolum *hepate*, (sic enim in India Orientali apud omnes morbus audit,) laborantem, hy- drargyro tractari: et haec animalia, morbo jam suppuratione finito, abscessuque inciso, convalescere, certior factus sum.

RATIO SYMPTOMATUM.

Ex omnibus quibus haec aegritudo stipatur signis, nullum, quam humeri, claviculamque subitus dolor, difficilius exponitur: licet enim, aliae ab aliis, phaenomeni rationem reddendi causa, sententiae in medium illatae fuerint, nihil tamen ad causam enucleandam profe- cerunt: tam horum, qui nervorum nexui, sententia, quam qui inflammationi in diaphrag-

ma,

ma, septumque thoracis mediastinum, surrepentis, jecinorisve ponderi adaucto, ascribendum ponunt, nihil quidem pendenda sunt: hoc enim signum, neque verae harum partium inflammationi, neque hepatis pondere et mole schirro adauctis, affeclam comperire est: quapropter huic phaenomeno obscuro impar, nodum aliorum acumine solvendum, cuidamve naturae consensui, nondum satis perspecto, adnumerandum in medio relinquimus. Singultus, dyspnoea, tussis, decubitusque in sinistrum latus difficilis, non solum ex inflammatione dia phragmati hepar jam tenerum comprimenti, pleurisque costarum, et pulmonum obrepente, sed etiam ex hepatis pondere, quod ligamenta sua, quibus suspenditur, quaeque pariter inflammatione probabiliter jam tentantur, deorsum gravat, exoriuntur. Humerorum convexitas ex doloris vacuitate, quam aeger, antrorsum incurvatus, experitur, diaphragmati, corpore sic posito, hepar multo minus comprimente, oriri videtur. Vomitus, qui ineunte

hepatitide

hepatitide acuta aegrum aliquando torquet, vel ex inflammatione, ventriculo tandem, superveniente, vel ex magna bilis vi, quae jam in duodenum diffunditur, ex hac autem ut mihi videtur, frequentius pendet.

Caeterorum vero, quae in hepatitide vetusta observantur, phaenomena, ex visceris hujusc mole, ac magnitudine, ex bili quae, uti videatur, saepe qualitate peccat, imminuta ratio redienda videtur.

P R O G N O S I S.

Antecedentium, morbi vis, temporisque quod duravit; aetatis, temperamentique, aegri, ratione rite habita, de eventu sat is accurate judicabitur. Si aegroti vires quovis luxu, morbis antecedentibus, viribusque caloris funestis plurimum frangantur, exitus infaustus praefagiendus est. Si medicus non nisi multis diebus elapsis, accersitus sit, anceps periculosusque exitus, etiam si aeger morbo mitiori tentetur, ex eo quod tanta cum velocitate in suppurationem

purationem praeceps feratur, timendus est. Humeri claviculaeque dolor subitus gravis, tussis ficca, dyspnœa, praesertim si remediis idoneis brevi non cedant, semper periculum maximum ingruere praedicunt. Si alimenta per vetustâ laborantis canalem alimentarium, cito, parumque, nisi quod fastidium pessime olen-tia moveant, mutata ferantur, morbum pervi-cacem ancipitemque praenuncies.

Si contra, auxiliante medico, pyrexia, cae-teraque signa importuniora insigniter brevi re-mittant, praesertim quavis exinanitione critica comitante, cutis simul humidae calore minuto. Sique morbo vetusto laboranti solitus oris color redintegretur; si faeces antea fastidium mo-ventes jam sanorum similes, non amplius foe-teant, exitum morbi faustum ac felicem ab-sque errandi formidine ingruere praenuncies.

Si autem acutam vetusta temporis progressu excipiat, aegroque pristinae vires orisque de-cor non instaurantur; caute admodum nobis utpote quibus hic suppuratio timenda sit de-

ancipite morbo augurandum est. Denique acuta, quam vetusta hepatitide laborantes magis vita periclitantur, modo haec auxiliis nondum tentatis longius provecta non fit. Suppuratio nullo non exemplo summum vitae dif- crimen minitatur.

C O N S I L I A M E D E N D I .

Primo in hoc, sicuti in aliis morbis, causae remotae, quas supra jam recensuimus, quoad fieri potest, tollendae sunt. Cum vero ex probatis duae sint hujuscemorbi species, *vetusta* scilicet ac *acuta*, natura et causa proxima, penitus diversae : curatio sit pariter duplex oportet.

Hepatitis acuta quae primo propter signa graviora periculumque quibus undique cingitur medici attentionem jure sibi vindicat, regimine antiphlogistico, sanguinis missione, catharticis, et vesicatoriis, de quibus sigillatim paucis differendum, curanda est.

Regimen

Regimen antiphlogisticum hic, ut in omnibus viscerum ad vitam necessariorum inflammatio-
nibus rigide semper adhibendum, fatis pa-
tet.

Sanguinis missio certis limitibus ne ultra ci-
trave rectum excurrat pro aegroti aetate et vi-
ribus, morbi violentia, temporeque quod dura-
vit, ut sua cuique prudenti medico ratio sua-
debit, circumscribenda est.

In regionibus calidis phlegmasiae tam brevi
in diversae naturae morbos mutantur, ut venam
non nisi cautissime pertundere fas sit; si enim
primo, secundo, aut ad summum tertio morbi
die, sanguinis missio non celebretur; non fo-
lum anceps, sed etiam plerumque periculofae
plenum opus aleae futura est. Est eo quod
in hanc rem animum non fatis intendant, scal-
pellum stringentibus, rem saepius infauste cef-
fisse facile crediderim: nullo nos enim auxi-
lio modo limitibus supra dictis accurate cir-
cumscribatur praestantiore, potiri, experien-
tia fretus, nil dubito afferere. In locis aridis

copiosius,

copiosius, quam in humidis, in his enim fibra
debilis et laxa, sanguis mittendus: nautis
qui cibo pravo parumque nutriente vesci co-
guntur tam haec quam quaelibet alia exinan-
tio parcus utenda.

Cathartica, si iisdem finibus quibus sanguini
missio limitentur, hoc malo laborantibus
prosunt; leniora vero ut tartarus solubilis, fal-
rupellensis, &c. parvis dosibus propinata ita
ut alvus leniter solvatur, anteferenda sunt: jux-
ta venae sectionem,

Vesicatoriis maximam fidem ac fiduciam
habeo: vesicatorium amplum parti affectae,
quam potest proxime et successive diversis
regionis hepaticae partibus applicandum erit;
sic enim multo magis quam si fonticuli un-
guento epispastico fiant proderit. Agentibus
vesicatoriis, diluentia copiosius, eo quod in
calidis magis quam in frigidis regionibus uri-
nae meatus afficiantur, propinanda.

Refrigerantia, qualia sunt fructus acidi,
quippe qui sitim alisque duritiem jucunde le-
vant,

vant, malo laborantibus plurimum prodeesse experientia constat : sales medii, nitrum multa aqua solutum, et julapium salinum ex alkali vegetabili fixo et acido vegetabilium conformatum, ad curam facere constat.

Cum hepar iisdem quibus reliquum systema legibus gubernatur ; acuta, si signa graviora fint diutiusve persistent, in suppurationem, aut vetustam, degenerando, definat, oportet : jamque aliis de quibus infra auxiliis curanda est.

HEPATITIDIS VETUSTAE MEDENDI RATIO.

Auxilia quibus suffragante experientia, vetustae, utrum acutam aliumve quemcunque morbum excipiat, an primario exoriatur, optime medetur, sunt, laxantia mitiora, hydrargyrum, vesicatoria, tonica, &c.

Tubo alimentario parvis laxantium dosibus expurgato, ad *unguentum hydrargyri fortius*, quod primo copiosius, donec animae foetore in fluida intromissum percipiatur, postea vero parcus, ita ut vasa metallo onerata aliquan-

diu stimulentur ; interim a ptyalismo, tam hic enim quam alibi obest, caute carentibus, confugiendum est. Regioni hepatica modo hic vesicatoria applicata non sint affricandum est : hinc enim magna morbi levatio. Afflictus tempus admodum pro rerum diversitate diversum medico judicanti relinquendum est.

Vesicatoria, qualis modus operandi cunque sit, ut in acuta praecipitur, adhibita, plurimum prodeesse constat.

Dyspepsia, fibraeque muscularis laxitas, morbi satellites indivulsi, quam bene tonica et stimulantia morbo occurrant, digitis quasi designant : haec autem caute utenda, ad mitiora enim, qualia sunt infusa amara, parvulae tincturae corticis Peruviani, radicisque columbo, superaddita quantitate, confugiendum. Invictus tenuioris in acuta laudati vicem, cibus lautior, concoctu facilis aromatibusque scite conditus, sufficiendus est. In India cibus cui nomen *curry* concoctu facilis, ex carne parvaque vegetabilium portione conflatus, capsi-

co, curcuma, aliisque aromatibus bene conditus, quem una cum oryza comedunt, plurimum invalefecit. Post cibum unus aut alter Madeirae aliisve vini meraci cyathus profunt: potus communis vinum aut facchari spiritus aqua diluta sit: cerevisia enim utentibus acescit.

Ad signa importuniora, praecipue tussim quae tam in acuta quam in vetusta plerumque torquet, compescenda, nihil opio, quod mirandum levamen plerumque affert, praestantis est.

Si morbus hicce auxiliis pervicax non cedat, in coelum mitius ac purius migrando, hydrargyro interim caeterisque remediis aliquandiu repositis, et denuo post aliquod temporis resumptis, aegrotus saepe convaluit.

Si haec votis parum respondeant; in aliquam Indiae Sinarumque regionem longinquam navigantibus res saepe feliciter cedit.

Diarrhoea, saepe mali comes, adeo importuna est, ut aegrum ad remedia astringentia sae-

pius adigat: haec vero, quippe que suppurationi haud leviter faveant, pessimos semper edunt effectus; et nisi alvi proluvies tanta cum immanitate saeviat, ut vitae periculum ingruat, cane pejus et angue vitanda sunt. Hydrargyro abdomini affricato, lanulaeque postea induitae terga plerumque dat signum ingratum. Aegroto in equo aut curru exercitatio lenis pro viribus utenda, interimque a cœli intemperie caute cavendum.

Suppuratione exorta, tonica validiora et stimulantia, qualia sunt corticis Peruviani pulvis, vinum rubrum vel Madeirense utenda sunt. Abscessus extrorsum tumens quam primum scalpello incidendus est: si autem viam fibi in intestina edax patefaciat, laxantibus mitioribus, ne partis erosae hiatus justo citius agglutinetur, neve ductus communis choledochus, si hac forte pus ruat, oppiletur, leniter stimulanda sunt.

